

四庫全書

集部

欽定四庫全書

集部
御選唐詩卷三十二

詳校官左都御史_臣李綬

主事銜_臣徐以坤覆勘

總校官檢討_臣何思鈞

校對官中書_臣葉蘭

謄錄監生_臣閻學朱

欽定四庫全書

御選唐詩卷三十二

七言絕句

皇甫冉

韋使君宅海榴詠

本草海石榴高一二尺即結實

淮陽卧理有清風

輿地廣記淮陽縣在漢陵縣泗陽之間有淮陽城梁置淮陽郡史記汲黯

傳拜為淮陽太守黯伏謝不受印上曰君薄淮陽耶吾今召君矣顧淮陽吏民不相得吾徒得君之重卧而治

之阮籍詩萬

臘月榴花帶雪紅

唐書歷志永昌元年十一月改元載初用周正

載垂清風

以十二月為臘月建寅月為一月本草南中有四季榴
四時開花秋月結實實方綻隨復開花孟浩然詩帶雪
梅初暖梁元帝詠石
榴詩花紅似舊栽
閉閣寂寥常對此
後漢書吳祐傳
祐為太守民有

爭訴者輒閉閣自責宋玉九辨寂寥兮收潦而水
清庾信詩寂寥尋靜室李白詩對此可以酣高樓
江湖

心在數枝中

南史隱逸傳徇江湖而永歸王融書迹
塵珪組心逸江湖王維詩婆娑數枝樹

秦系

字公緒會稽人建中初客泉州結廬九日山
上穴石為研注老子彌年不出自號為東海

釣客

山中贈耿漳拾遺

數片荷衣不蔽身

岑參詩對酒雲數片屈原九歌荷衣
兮蕙帶江總詩荷衣步林泉東晉賦

無衣褐
以蔽身

青山白鳥豈知貧

高士傳韓順贊寧極青山謝朓詩還望青山郭詩白鳥蒿

蒿西京雜記白鳥朱冠鼓翼池干吳象之詩家無四壁不知貧如今非是秦時世更隱

桃花亦笑人

杜甫詩飄泊到如今陶潛桃花源記晉太康中武陵人捕魚為業緣溪行忽逢桃花

林林盡得一山從小口入行數十步土地平曠居人自云先世避秦時亂來此絕境不復出焉李白詩武陵桃花笑殺人

戎昱

寄許鍊師

掃石焚香禮碧空

李白詩掃石待歸月庾信賦複道焚香梁簡文帝詩朝光蕩碧空露

華徧濕藍珠宮

劉孝威采蓮曲露華時濕劍西昇經上清白闕丹城藍珠宮

如何說

得天壇上萬里無雲月正中

江總詩華嶽接天壇郭璞賦呼吸萬里吐納靈潮陶

潛詩日暮天無雲王褒詠月詩中天影更進

衛象

大歷間江南詩人官侍御

古意

鵲血凋弓濕未乾

梁簡文帝艷歌篇控弦因鵲血詩敦弓既堅傳敦弓畫弓也敦與凋同劉

潛詩木落凋弓燥左傳子孔子蟠曰與大國盟口血未乾而背之可乎

鵲鷄新淬劍光寒

本草鵲鷄小鳥也大如鳩鴨其膏塗刀劍不鏽劉長卿文吳鉤新淬隋煬帝樂府寶劍七星光

遼東老

將髻成雪

漢書地理志遼東郡秦置屬幽州隋煬帝詩秉旄仗節定遼東史記吳王濞傳王問計諸

老將漢書趙充國傳充國年七十餘上老之使丙吉問誰可將者對曰無踰老臣者何遜詩雪髻別關中猶

向旄頭夜夜看

史記天官書昂曰旄頭謝朓詩夜夜空佇立杜審言詩愁人獨夜看

戴叔倫

宿灌陽灘

唐書地理志永州零陵郡縣灌陽蕭銑析湘源置武德七年省上元二年

復置

十月江邊蘆葉飛

詩十月之交儲光義詩路盡大江邊李白詩森森望湖水青蘆葉齊

灌陽灘冷上舟遲

元和郡縣志永州灌陽縣灌水在縣西南一百二里曹植賦御輕舟而上

溯杜甫詩幸有舟楫遲

今朝未遇高風便

詩以永今朝易弗遇過之阮卓詩高風應爽節

荀仲舉樂府况復歸風便

還與沙鷗宿水湄

孟浩然詩離家復水宿相伴賴沙鷗謝靈運詩

雖未登雲峯且以歡水宿詩所謂伊人在水之湄王粲詩相伴綠水湄

送呂少府

共醉流芳獨歸去

崔曙詩陶然共醉菊花杯齊書樂志信星含曜拒草流芳晉書陶潛傳義

興三年解印去縣乃賦歸去來辭

故園高士日相親

王洽然詩何時返故園史記魯仲連

傳新垣衍曰吾聞魯仲連先生齊國之高士也裴迪詩來過竹里館日與道相親

深山古路無

楊柳

王維詩深山何處鐘劉長卿詩古路無行客寒林獨見君詩昔我往矣楊柳依依三輔黃圖灞橋在

長安東跨水作橋漢人
送客至此橋折柳作別
折取桐花寄遠人
陸凱詩折梅逢驛使寄與
隴頭人邢邵詩折花步淇水梁簡文帝詩取花爭問色
禮記季春之月桐始華庾信賦序羔獻冰開桐華萍合
書不實遠物
則遠人格

李益

早度破訥沙

唐書地理志渡烏那水四十里度庫結沙一口普納沙

破訥沙頭鴈正飛

庾信賦沙頭渡水人謝朓賦星迴窮紀沙雁相飛

鷓鴣泉上

戰初歸

唐書地理志豐州西受降城北三百里有鷓鴣泉又中受降城正北如東八十里有呼延谷又

五百里至鷓鴣泉人回紇傳貞觀中詔
磧南鷓鴣泉之陽置過郵六十八所

平明日出東南

地漢書叔孫通傳先平明謁者治禮江淹雜體平明登雲峯香與廬霍絕詩日出有曜古樂府日出東南隅

滿磧寒先生鐵衣

郡國志伊州鐵勒國多沙磧劉長卿詩初開牕閣寒先滿沈約白銅鞮歌

蝶鞍飛塵起左右自生先木蘭歌寒光照鐵衣

臨滹沱見蕃使列名

漠南春色到滹沱

後漢書烏桓傳漠南地空謝朓詩春色滿皇州河渠志滹沱河源於西山

由真定深州乾寧與御河合流

邊柳青青塞馬多

王融詩北塞柳分枝王維詩客舍青青柳

色新庾信詩塞馬暗嘶羣漢書西域傳天子以天馬多又外國使來益衆蒲陶目宿離宮館旁極望焉

萬

里江山今不閉

後漢書班超傳此萬里侯相也梁昭明太子詩望望江山阻王融詩江山千里

長禮記故外戶而不閉

漢家頻許郅支和

史記太史公自序天子始建漢家之封漢書呼

韓邪單于兄左賢王呼屠吾斯自立為郅支骨都侯單于在東邊又陳湯傳宣帝時呼韓邪單于與郅支單于俱遣子入侍史記律書願且堅邊設候結和通使

夜上受降城聞笛

唐書地理志豐州九原郡有東受降城中受降城西受降

城景雲三年朔方軍總管張仁愿築一統志東受降城在廢東勝州東北八里中受降城在大同府城西北五百里西受降城在古豐州西北八十里

回樂峯前沙似雪

舊唐書地理志靈州大都督府有回樂縣拾遺記蓬山有浮筠之簞下有

砂礧細如粉暴風至竹條翻起拂細砂如雪

受降城外月如霜

范雲詩撫戈金城外梁簡

文帝望月詩形同七
子鏡影類九秋霜

不知何處吹蘆管

庾信詩不知高
幾里陶潛詩今

復在何處岑參蘆管歌夜半高
堂客未回祇將蘆管送君杯

一夜征人盡望鄉

高適
詩借

問落梅几幾曲從風一夜滿關山陶潛詩曷哉征人在
始思終梁武帝樂府陌頭征人去閨中女下機庾信詩

回頭望
鄉淚落

從軍北征

天山雪後海風寒

漢書武帝紀天漢二年貳師將軍三
萬騎出酒泉與右賢王戰于天山注

在西域蒲類國去長安八千餘里即祁連山也西域傳
天山冬夏有雪鮑照詩瑟瑟涼海風蔡邕詩海水知天

寒
橫笛偏吹行路難

沈約折楊柳歌下馬吹橫笛張正
見詩還同橫笛吹蔡琰詩行路亦

鳴咽晉書袁山松傳因舊歌有磧裏征人三十萬說文

沙漢

行路難乃文具辭每醉縱歌之
日磧岑參詩黃沙磧裏客行迷江總詩征人去遠芳音
減史記高祖紀與項羽決勝垓下淮陰侯將三十萬之
衆自一時回首月中看司馬相如文回首面內

當之

蘇頌詩無異月中看

劉禹錫

隄上行

酒旗相望大隄頭

曹植賦仰酒旗之景曜李賀詩試問酒旗歌板地庾信文何處相望山邊

一樓劉誕詩朝發襄陽城暮至大隄宿

堤下連橋堤上樓

李白詩佳期大堤下郭璞賦舳

艫相屬萬里連橋何遜詩夕霞隱連橋梁簡文帝詩誰知堤上人孟浩然詩應聞池上樓

日暮行人

爭渡急

南史柳元景傳嘗下都至大雷日暮寒甚沈約詩佇立日已暮梁元帝詩欲覓行人寄消息庾

信賦擁河

橋而爭渡槳聲幽軋滿中流

古樂府艇子打兩槳曹植孟冬篇乘輿啟行鸞鳴幽

軋史記周本紀武王渡河中流白魚躍入王舟中

二

江南江北望烟波

古江南詞江南可採蓮宋之問詩鄉連江北樹江總詩日向烟波長入

夜行人相應歌

埤雅鸞入夜而歌庾信詩行人忽枉道易同聲相應韓詩外傳音樂相和物類

相感同聲相應之義也淮

桃葉傳情竹枝怨

方輿勝覽

南子叩盆拊瓠相和而歌 秦淮口古今樂錄桃葉歌王子敬所作也桃葉子敬妾名緣于篤愛所以歌之獻之歌桃葉復桃葉渡江不用

楫但渡無所苦我自迎接汝嵇康文接物傳情區別有
屬禹錫本集竹枝序竹枝已歛也巴兒聯歌吹短笛擊
鼓以赴節奏者揚袂睢舞其音協黃鍾水流無限月明
羽末如吳聲含思宛轉有淇濮之艷焉

多

張華詩仰蔭高林茂俯臨淥水流梁武帝詩連山去
無限長洲望不極子夜歌天高星月明韓愈詩一年

明月今宵多

楊柳枝詞

城外春風吹酒旗

庾肩吾詩影出朱城外梁簡文帝詩
春風本自奇楊柳最相宜庾信詩春

風滿路香陽休之詩微穆東
風吹孔融文天垂酒旗之曜

行人揮袂日西時

何遜詩寂寂行

人疎曹植七啟揮袂則九野生風阮籍詩揮袂撫
長劍仰觀浮雲征李山甫詩石磴坐來春日西

長安

陌上無窮樹

漢書地理志京兆尹縣長安三輔黃圖長安有九市八街九陌徐陵文陌上成陰淮

南子遊於無窮之地李義府詩上林無限樹

唯有垂楊管別離

三輔黃圖長安楊宮中有垂

楊數畝李白賦醉愁心于垂楊隨柔條以糾結楚辭悲莫悲兮生別離蔡凝詩似有別離情

宿都亭有懷

禹錫自注元和甲午歲詔書盡徵江湘逐客余自武陵赴京宿於都

亭有懷續來諸君子

雷雨湘江起卧龍

易雷雨作而百果草木皆甲坼晉書陶侃傳少時漁得織梭以挂于壁有

頃雷雨自化為龍而去水經注湘水出零陵陽海山三國志徐庶謂先主曰諸葛孔明卧龍也

武陵樵

客躡仙蹤

王維桃源行樵客初傳漢姓名蔡邕文所立卓爾度躡雲蹤張九齡詩還慙大隱迹空想

列仙 十年楚水楓林下

舊唐書禹錫居朗州十年惟以文章吟咏陶冶情性山海經數

歷之山楚水出焉阮籍詩上有楓樹林

今夜初聞長樂鐘

庾信詩今夜長門月應如晝日

明杜甫詩初來葉上聞三輔黃圖長樂宮本秦興樂宮也高皇帝始居櫟陽七年長樂宮成徙居之

與歌者何戡

盧氏雜說何戡樂工也

二十餘年別帝京

漢書霍先傳出入禁闥二十餘年梁鴻五噫歌顧瞻帝京子

重聞

天樂不勝情

張衡賦昔者大帝悅秦繆公而覲之饗以鈞天廣樂何晏詩天樂非鐘鼓漢書王嘉

傳小人

舊人唯有何戡在

書古我先生亦惟圖任舊人共政

更與殷勤

唱渭城

曹植詩何必同衾裯然後展殷勤司馬遷書未嘗銜杯酒接殷勤之餘歡王維詩渭城朝雨浥

輕塵客舍青青柳色新
勸君更進一杯酒西出陽關無故人

烏衣巷

一統志烏衣巷在應天府南晉王導謝安居此巷其子弟皆烏衣因名巷口有

朱雀橋

朱雀橋邊野草花

六朝事迹晉咸康二年作朱雀門新立朱雀浮航在縣城東南四里對朱

雀門南渡淮水亦名朱雀橋李邕詩織女橋邊烏鵲起古起白露霑野草史記李斯傳秋霜降者草花落

烏衣巷口日將斜

虞世南詩日斜青瑣第

舊時王謝堂前燕

南史陳顯達傳

塵尾蠅拂是王謝家物樂府翩翩堂前燕冬藏夏來見

飛入尋常百姓家

賈誼文彼尋常

之汗瀆滿凡賦
燕績著乎百姓

張籍

玉山館

長谿新雨色如泥

任昉詩長溪水東舍江總詩新雨百花朝

野水陰雲盡向

西

管子食野草飲野水李頎詩陰雲帶殘日又瀟水向西看

楚客天南行漸遠

戰國策秦

王謂甘茂曰楚客來使者多健與寡人爭辭高適詩南天瘴癘和王維詩望望行漸遠

山山樹裏

鷓鴣啼

庾信銘樹裏聞歌枝中見舞廣志鷓鴣似雌雄飛但徂南不北也禽經鷓鴣飛必南翥

別客

青山歷歷水悠悠

虞世南詩青山澹晚烟古詩衆星何歷歷左思賦直衝濤而上瀨常沛沛

以悠悠江淹詩

悠悠清川水

今日相逢明月秋

莊子今日晏閒敢問至道王績詩相逢秋

月滿江淹詩

繫馬城邊楊柳樹

庾信賦小山則叢桂留人扶風則長松繫馬王

維詩小苑城邊獵騎回劉

為君沽酒暫淹留

劉希夷詩為君留青

庭芝詩可憐楊柳傷心樹

青賀知章詩莫漫愁沽酒
謝靈運賦停余舟而淹留

秋山

秋山無雲復無風

杜甫詩吹笛秋山風月清江洪詩遠山清無雲陶潛詩日暮天無雲庾信

詩無風樹即正

谿頭看月出深松

王績詩更坐北溪頭詩月出皎兮王維詩色靜深松裏

草堂不閉石牀靜

北山移文草堂之靈隋唐嘉話貞觀四載天下康安戶不夜閉南史宋武

帝紀有人獻石牀寢之極以為
佳主維詩雨花應共石牀平
葉間墜露聲重重

張彥勝露

賦閒墜葉而歎息離騷朝飲木蘭之墜露兮陸雲賦
挹朝華之墜露隋煬帝詩寒影上仙宮遠意更重重

王建

華清宮

唐書開元五年置溫泉宮於驪山天寶六載改為華清宮

酒慢高樓一百家

顧況詩鄰荒收酒慢晉書宋纖傳纖隱居酒泉太守馬岌造馬織高樓重

閣距而不見古詩西北有高樓上與浮雲齊洛陽伽藍記從鄴善西行一千六百四十里至左末城城中居民

可百 家 宮前楊柳寺前花 洛陽伽藍記永寧寺在宮前 內

園分得溫湯水二月中旬已進瓜 舊唐書品官白身內園小兒官人等數十

人唐書高祖紀武德六年二月庚戌幸溫湯又百官志
慶善石門溫泉湯等監掌湯池宮禁防堰凡近湯所潤
瓜蔬先時而熟者以薦寢廟劉楨
瓜賦序楨在曹植座厨人進瓜

王涯

宮詞

禁門烟起紫沈沈

何遜詩詰旦鐘聲罷隱隱禁門通謝莊封禪儀奏霞疑生闕烟起成宮江

淹賦桂烟起而樹齊史記陳涉世家故人嘗與庸耕者扣宮門求見涉入宮見殿屋帷帳曰夥顧涉之為王沈

沈者注沈沈宮室深邃之貌

樓閣當中複道深

爾雅釋宮疏臺榭樓閣之異史記秦始皇

紀始皇令咸陽之旁二百里內宮觀二百七十複道角道相連長入暮天凝不散

王融詩如

何將暮天復值西歸日何遜詩天暮遠山紫
掖廷宮裏動

秋砧

漢書章帝紀詔掖廷養視上屬籍宗正注掖廷宮
人之官徐陵序五陵豪族充選掖廷左思詩列宅

紫宮裏飛宇若雲浮梁簡文帝
詩秋氣城中冷秋砧城外發

二

碧繡簾前柳散垂

岑參詩暖屋繡簾紅地爐韓翃詩繡
戶簾前花影重張正見詩三陽弱柳

垂隋煬帝詩颺灑林
花落逶迤風柳散

守門宮女欲攀時

禮記閹者守門
之賤者也李白

詩更憐花月夜宮女笑藏鉤
梁簡文帝詩楊柳亂成絲攀折上春時

曾經玉輦從容處

潘岳

賦天子乃御玉輦蔭華蓋史記留侯
世家所與上從容言天下事甚衆

不敢臨風折一枝

謝朓賦臨風歎兮將焉歇梁元
帝詩先過上蘭苑還牽高柳枝

三

銀餅瀉水欲朝妝

北史楊素傳賜黃金四十斤加銀瓶實以金錢張耀井賦素綬朝懸弄銀

瓶之出入周禮稻人以澮寫水梁元帝詩樓上起朝
妝風花下砌旁何遜詩機中刺繡罷窻下朝妝處 燭

焰紅高粉壁光

朱熹焰焰紅梁簡文帝詩燭焰落花中庾信賦輝輝
朱熹焰焰紅梁簡文帝詩燭焰落花中庾信賦輝輝

粉塗壁紫素界之劉孝綽詩
浮光亂粉壁積照朗庭幃

共怪滿身珠翠冷

杜甫驄馬行五

花散作雲滿身王融永明樂
輕露泣珠翠初風搖綺羅

黃花瓦上有新霜

漢武故事上起

神屋以銅為瓦李白詩
霜白居易詩鴛鴦瓦冷霜花重

張仲素

秋夜曲

丁丁漏水夜何長

詩格之丁丁說文漏以銅盛水刻節畫夜百刻李蘭漏刻法以器貯水以

銅為陽鳥狀如鉤曲以引器中水於銀龍口中吐入權器漏水古詩畫短苦夜長江淹賦冬缸凝兮夜何長

漫漫輕雲露月光

江淹賦雲漫漫而奇色曹植賦髣髴兮若輕雲之蔽月蘇彥秋夜長輕雲

飄飛以籠朗素月披曜而舒

秋逼暗蟲通夕響

劉長卿詩蟲聲

夜相逼常建詩月來隨暗蟲韋應物詩通夕依山谷曹毗秋興賦秋蟲夕響乎廊宇

征衣未寄莫

飛霜

駱賓王詩薄暮濕征衣梁武帝擣衣曲持此寄寒鄉張協七命風厲霜飛

上官昭容

遊長寧公主宅流杯池

唐書中宗八女傳長寧公主韋庶人所生下嫁

楊慎交造第東都又取西京高士廉第左金吾衛故營合為宅右屬都城左類大道作三

重樓以馮觀築山浚池帝及后數遊幸

憑高瞰迴足怡心

棗據詩徙倚憑高山朱异詩憑高眺虹蜺謝朓詩瞰迴憑重峭顏延之賦

乾心降而微怡

茵閣桃源不暇尋

王褒九懷茵閣芳蘭樓觀道芳縱橫謝朓詩隨山望茵閣

陶潛桃花源記晉太元中武陵人捕魚為業緣溪行忽逢桃花林林盡水源得一山山有小口入行數十步豁然開朗其間男女怡然自樂世說

從山陰道上行使人應接不暇

餘雪依林成玉樹

謝朓

詩連溪映餘雪謝惠連雪賦林挺
殘雲點岫即瑤岑詩

外傳雪花曰雲謝惠連雪賦散浙澗而
先集釋名山小而高曰岑山穴曰岫

吳商浩

爵里無考

秋塘晚望

鐘盡疎桐散曙鴉

魏志田預傳鐘鳴漏盡而夜行不止
梁元帝詩井上落疎桐庾信詩桐門

葉丰疎杜甫詩列炬散林
鴉楊巨源詩東風羨曙鴉

故山烟樹隔天涯

謝靈運詩
故山日已

遠鮑照詩青冥搖烟樹梁元帝賦登樓一望惟見遠樹
含烟陶潛詩蕭條隔天涯徐陵詩惟桑與梓翻若天涯

西風一夜秋塘曉

庾信詩吹衣一夜風庾肩吾
詩閨苑秋光暮金塘收潦清

零落幾

多紅藕花

郭恭秋蓮詩秋玉皆零落淩波獨吐紅溫庭筠詩紅藕香中萬點珠

法振

送友人之上都

班固賦實用西遷作我上都法謂長安也

玉帛徵賢楚客稀

禮記東帛加璧尊德也棗據詩玉帛聘賢良江淹詩楚客心悠哉

猿

啼相送武陵歸

徐安貞詩巴東下歸棹莫待夜猿啼史記滑稽傳君子相送以言魏收詩桃發

武陵岸

湖頭望入桃花去

陰鏗詩沅水桃花色庾信詩春水望桃花

一片春帆

帶雨飛

李白詩孤帆一片日邊來盧僊詩春帆向楚長杜甫詩春帆帶雨來李白詩酒盡一帆飛

曹唐

題武陵洞

陶潛桃花源記晉太康中武陵人捕魚為業緣溪行忽逢桃花林夾岸數

百步芳草鮮美落英繽紛林盡水源便得一山山有小口髣髴若有光便捨船從口入

溪口回舟日已昏

恭毋潛詩晚風吹行舟花路入溪口陶潛詩目送回舟遠阮籍詩一日復

一昏一昏復一晨唐太宗詩落日雙闕昏

却聽雞犬隔前村

桃花源記阡陌交通雞犬相聞

杜甫詩前村山路險

殷勤重與秦人別

司馬遷書未嘗銜杯酒接殷勤之餘歡李白詩惜別

空殷勤杜甫詩何時一樽酒重與細論文桃花源記村中聞有此人咸來問訊自云先世避秦率妻子邑人來

此絕境不復出焉

莫使桃花閉洞門

桃花源記既出得其船便扶向路處處誌之及郡下

詣太守說如此太守即遣人隨其往尋向所誌遂迷不復得路後遂無問津者杜甫詩船人近相報但恐失桃

花盧綸詩聞說花開亦閉
門李端詩青林連洞門

花藍夫人

徐氏青城人幼能文尤長於宮詞
得幸蜀主孟昶賜號花藍夫人

宮詞

厨盤進食簇時新

杜甫詩竹裏行厨洗玉盤史記淮陰侯傳吾哀王孫而進食豈望報乎王

建宮詞柳厨
不食索時新

侍宴無非列近臣

宋之問詩侍宴瑤池夕
歸途騎吹繁李白詩長

安宮闕九天上此
地曾經為近臣

日午殿頭宣索鱠

司空圖詩春晴日
午前王建詩殿頭

傳語金階遠枚乘七發薄者之炙鮮鯉之膾李德裕述
夢詩荷靜蓬池膾自注每學士初上賜食皆蓬萊池魚

膾

隔花催喚打魚人

庾信詩隔花遙勸酒就水更移牀
曹唐詩皓月隔花追款別郭璞賦

蘆山漁子攢落江山杜甫觀
打魚歌漁人漾舟沈大網

武元衡

陌上暮春

青青南陌柳如絲

古詩青青河畔草王維詩客舍青青柳色新梁武帝河中之水歌十四稜

桑南陌頭李白詩
莫向春風楊柳絲

柳色鶯聲晚日遲

何遜詩輕烟滲柳色岑參詩柳色供

詩用鶯聲送酒頻梁簡文帝詩珠簾通晚
日隋煬帝詩平郊送晚日詩春日遲遲

何處最傷遊

客思

李白詩落花踏盡遊何處鮑照咏
史詩仕子影華纓遊客疎輕轡

春風三月落花

時

古樂府小園罵春風李白怨歌行三春三月憶三巴
王維詩坐久落花多雀曙詩故林遙不見況在落花

時

陳羽

江東人登貞元進士
第歷官樂宮尉佐

遊洞靈觀

初訪西城禮少君

岑參詩迴風度雨渭城西史記封禪書李少君以祠竈穀道却老方見上

少君者故深澤侯舍人主方匿其年常自謂七十能使物却老獨行深入洞天雲

詩獨行

躡諸葛亮表五月渡瀘深入不毛李白詩靈書藏洞天

風吹青桂寒花落

古西洲曲日暮

百勞飛風吹烏臼樹李白詩青桂隱遙月張協詩寒花發黃采張正見詩寒花映日鮮謝朓詩葉依黃鳥花落

春池吳均詩
花落夜霏霏

香繞仙壇處處聞

梁元帝詩香浮鬱金酒烟繞鳳皇樽杜甫詩王

喬下仙壇微月映
曉鶴又山路時吹角
那堪處處聞

白居易

竹枝詞

瞿塘峽口冷烟低

寰宇記瞿塘在夔州東一里連崖千丈奔流電激一統志瞿塘峽舊名西

陵峽乃三峽之門兩崖對峙中貫一江灩澦堆當其口丘為詩烟和獨樹低

白帝城頭月向

西

元和郡國志公孫述至魚復有白龍出井中因號魚復為白帝城一統志白帝城在夔州府治東王昌齡

詩武岡前路看斜月片片舟中雲向西

唱到竹枝聲咽處

樂府竹枝已歛也巴兒聯歌吹

短笛擊鼓以赴節歌者揚袂睢舞其音協黃鐘羽末如吳聲

寒猿啼鳥一時啼

唐太宗詩

寒猿斷續聲潘岳文夕陽失映晴鳥忘歸張
子容詩無處不猿啼庾信詩春山百鳥啼

鮑溶

贈楊鍊師

紫烟衣上繡春雲

郭璞詩赤松臨上遊駕鴻乘紫烟曹植辨道論雲衣羽裳不若黼黻之飾

也王維詩隔窻雲霧生衣上
諸淵碑音微與春雲等潤

清隱山書小篆文

北史徐則傳棲

隱靈岳五十餘年陳子昂碑習山書務
農政書斷李斯小篆入神大篆入妙

明月在天將鳳

管

阮籍詩薄帷鑒明月顏延之詩清暉
在天容光必照鮑照詩傾聽鳳管賓

夜深吹向玉晨

君

劉琨詩月光移數尺方知夜已深黃庭
經上清紫霞虛皇前太上大道玉晨君

張祜

瓜州聞曉角

寒耿稀星照碧霄

梁簡文帝詩天霜河白夜
星稀李白詩企嶺宴碧霄

月樓吹角

夜江遙

王昌齡詩江邊明月樓通禮義纂蚩尤與黃帝
戰帝命吹角作龍吟以禦之杜甫詩天遠暮江

平

五更人起烟霜靜

陳後主詩羅衾不耐五更寒劉允
濟明堂賦下臨星雨旁控烟霜

一曲殘聲遍落潮

鮑照詩一曲動情多劉
孝威詩翻車引落潮

朱慶餘

西亭晚宴

蟲聲已盡菊花乾

蕭子暉詩蟲聲繞春岸
王績詩秋杯浸菊花

五老松陰向

晚寒

尋陽記五老峯形勢如河中虞鄉縣前五老山故名一統志廬山東南有五老峯孔稚圭文青松落

陰李白詩岸
映松色寒

對酒看山俱惜去

謝朓詩不對芳春酒還
望青山郭張正見歌當

歌對玉酒錢起
詩對卷也看山

不知殘日下闌干

劉孝綽詩日下房櫳
暗韻會闌板間曰闌

干

李商隱

夜雨寄北

君問歸期未有期

李白詩長安如夢裏何日是
歸期張籍賦俟河清兮未期

巴山夜

雨漲秋池

杜甫詩何路出巴山興圖考大巴山在南江縣大巴山之險過于連雲棧下通漢中王維詩

山中一夜雨樹杪百重泉庾信詩行雨暴澆池

何當共剪西牕燭

杜甫詩何當一來儀庾信

對燭賦燼高疑數翦白居易詩經牕燈焰短

却話巴山夜雨時

陶潛詩信宿酬清話岑參

詩夢暗巴山雨

訪隱者不遇

城郭休過識者稀

陸機詩命駕登北山延佇望城郭杜甫詩經過老自休岑參詩世人知者

稀哀猿啼處有柴扉

謝靈運詩哀猿響南嶽魏徵詩空山啼夜猿范雲詩還聞稚子說有

客款柴扉滄江白石樵漁路

范雲詩滄江路窮此詩揚之水白石鑿鑿甯戚歌滄浪之水白

石梁韓愈詩或山而樵或水而漁
韋述詩浦淨漁舟速花飛樵路香
日暮歸來雨滿衣

離騷

日忽忽其將暮沈約詩佇立日已暮
白居易詩念此早歸來莫作經年別
耿滄詩梅雨濕行衣

憶住一師

無事經年別遠公

宋之問詩東郊楊柳陌少別已經年
高僧傳慧遠本姓賈氏鴈門樓煩人

來遊於晉居廬阜三十餘年化
道俗即士元詩夜叩禪扉謁遠公
帝城鐘曉憶西峯

王維

詩雲裡帝城雙鳳闕賈至詩金闕曉鐘開
萬戶白居易詩錫杖登高寺香爐憶舊峯
爐烟銷盡寒

燈晦

梁簡文帝詩爐烟入斗帳王粲賦惟
膏薰之焚銷謝朓詩寒燈耿宵夢

童子開門雪

滿松

庾信步虛詞青衣上少室童子向蓬萊張
說詩開門對奇域顏延之詩山明望松雪

東還

自有仙才自不知

漢武內傳西王母曰劉徹好道殆恐非仙才世說劉尹知我勝我自知

十年長夢採華芝

謝靈運佛影銘曉爾長夢張衡賦留瀛洲而採芝抱朴子華芝亦蓋白芷

上有兩葉三實秋風動地黃雲暮

漢武帝秋風辭秋風起兮白雲飛鮑照詩

雁還風送秋杜甫詩東南飄風動地至又高鳥黃雲暮

歸去嵩陽尋舊師

李白詩醉罷欲

歸去花枝宿鳥喧唐書地理志河南府縣登封本嵩陽萬歲登封元年更名神龍元年曰嵩陽唐會要永淳元年七月造奉天宮於嵩山之陽文明元年改為嵩陽觀後漢書李固傳嘗步行尋師不遠千里

杜牧

赤壁

吳志周瑜傳時劉備為曹公所破進住夏口權遂遣瑜及程普等與備并力逆曹公

遇于赤壁瑜部將黃蓋取蒙衝鬪艦實以薪草膏油灌其中裏以帷幕先書報曹公欺以欲降蓋放諸船同時發火時風盛猛悉延燒岸上營落烟炎漲天軍遂敗荊州記蒲圻縣沿江一百里南岸名赤壁

折戟沈沙鐵未銷

戰國策吳干之劍薄柱而擊之則折為三說文戟有枝兵也釋名戟格也

旁有枝格也張正見詩沈沙擁急水裴度鏑劍戟為農器賦劍鏑銷戟鏑露

自將磨洗認前

朝

爾雅石謂之磨廣韻磨磨砥甫詩淨洗甲兵長不用徐陵書前朝舊將夙著勲庸

東風不與

周郎便

吳志周瑜傳瑜字公瑾年二十四吳中皆呼為周郎江表傳至戰日東南風急蓋使衆兵同時

舉火火烈風
猛往船如箭

銅雀春深鎖二喬

魏志建安十五年冬作
銅爵臺魏武帝令吾婕

妤妓人皆著銅雀臺韋述詩春深杏花亂白居易詩朱
門深鎖春池滿周瑜傳橋公兩女皆國色也策自納大

橋瑜納小橋

按橋或作喬

洛陽秋夕

泠泠寒水帶霜楓

劉琨詩泠泠澗水流吳均詩泉水激
石泠泠作響庾信詩壁池寒水落謝

靈運詩曉
霜楓葉丹

更在天橋夜景中

元和郡國志天津橋在河
南縣北名勝志隋以洛水

貫都有天漢之象遂造天津橋以架洛水王融
法樂辭金容涵夕景梁簡文帝詩靄靄夜中霜

清禁漏

閒煙樹寂

傅咸賦穆穆清禁濟濟羣英祖詠詩寒疎清
禁漏元稹詩恩垂天詔語對久漏聲閒江淹

詩綠樹鏤煙光何遜詩山煙涵樹色

月輪移在上陽宮

梁簡文帝水月詩圓輪既照水何遜

詩學月且為輪唐書地理志上陽宮在東都禁苑之東東接皇城之西南隅上元中置兩京記上陽宮西有西上陽宮兩宮夾谷水架虹橋以通往來

許渾

緱山廟

列仙傳王子喬好吹笙作鳳皇鳴道士浮丘公接以上嵩高山三十餘年後見

桓良曰告我家七月七日待我于緱氏山巔至時來白鶴駐山頭舉手謝時人而去亦立祠于緱氏山下及嵩高首焉名勝志緱氏山在偃師縣東南

王子求仙月滿臺

宋之問詩王子賓仙去飄飄笙鶴飛楊炯詩漢帝求仙日相如作賦才張

說詩庭如月華滿李白
詩會向瑤臺月下逢

玉簫清轉鶴徘徊

李百藥賦性玉簫之清管

又愛鶯音之清轉
鮑照舞鶴賦躑躅徘徊振迅騰雅

曲終飛去不知處

庾肩吾詩去鳥船難

駐啼鳥曲未終李白詩人驚遠飛去直向使君
灘高士傳童馥入林慮山中家人求不知其處

山下碧

桃春自開

吳均書桂月青山下郎士元詩惟有碧桃千樹花

送宋處士歸山

賣藥脩琴歸去遲

高士傳韓康字伯休采藥賣于長安市中口不二價江淹詩韓公淪賣藥

陶潛歸去來辭田園將蕪何不歸

山風吹盡桂花時

柳惲詩山風起寒木野雀亂秋榛江

淹詩風吹烏臼樹丁六娘詩寄語落花風莫吹
花落盡張正見詩山中桂花晚勿為俗人留

世間甲

子須臾事

江淹賦惟世間兮重別左傳絳縣老人曰臣小人也不知紀年臣生之歲正月甲子朔四

百四十五甲子矣史記樂書君子不可須臾離禮虞詵詩寄暢須臾歡

逢著仙人莫看棋

梁昭明太子啟採藥逢仙古詩仙人騎白鹿髮短耳何長述異記信安郡石室山晉時王質伐木至見童子數人碁而歌質因聽之童子以一物與質如棗核質含之不覺飢俄頃童子謂曰何不去質起視斧柯盡爛既歸無復時人庾信詩樵客值圍棋

寄桐江隱者

明一統志桐江在桐廬縣北三里亦名桐溪

潮去潮來洲渚春

梁簡文帝詩可憐淮水去來潮韋應物詩暮潮歸去早潮來謝靈運詩欸

曲洲渚言鮑照詩風起洲渚寒

山花如繡草如茵

徐陵詩山花臨舞席庾信詩山花焰火然

獨異志馬融夢見一林花如錦繡摘花食之及寤
見天下文詞無所不知謝萬賦草靡靡以成茵
嚴陵

臺下桐江水

後漢書嚴光傳光字子陵少與先武同遊
學及先武即位乃變姓名披羊裘釣澤中

帝遣使聘之三反而後至除為諫議大夫不屈
乃耕于富春山西征記嚴子陵釣臺聳立千仞
解釣鱸

魚有幾人

張翰秋風歌吳江水兮鱸魚肥杜
甫詩當代論才子如公復幾人

薛逢

題黃花驛

名勝志黃花縣唐武德初置在漢中
府鳳縣城北六十里後省入梁泉唐

薛逢有黃
花驛詩

孤戍迢迢蜀路長

杜甫詩日色隱孤戍
潘岳詩迢迢遠
行客陸機梁甫吟迢迢天路微元稹

詩蜀路危於劍謝眺詩霞生川路長

鳥鳴山館客思鄉

詩伐木丁丁鳥鳴嚶嚶江淹詩鳥鳴

秋草窮韋應物詩山館夜聽雨後漢書溫序傳長子壽夢序曰久客思鄉里王褒詩久客每思鄉

更看

絕頂烟霞外

王褒詩山牕凌絕頂張正見詩桃李離烟霞隋書王貞傳蕭散烟霞之外

數樹

巖花照夕陽

洛陽伽藍記叢樹數株枝葉繁茂王勃詩桂密巖花白隋煬帝詩夕陽如有意偏傍

小牕明

薛能

折楊柳

華清高樹出離宮

雍錄天寶六載改溫泉宮為華清宮於驪山上治湯井為池臺殿環列山

谷頗延之詩回飈卷高樹庾信詩長藤連格徙高樹帶巢移漢書枚乘傳修治上林雜以離宮班固賦離宮別

館三十南陌柔條帶暖風褚亮詩言是東方騎來尋南陌車魏文帝柳賦柔條婀娜

而地伸左思詩柔條旦夕勁綠葉日夜誰見輕陰是良黃呂氏春秋季秋行春令則暖風至

夜梁簡文帝詩畫花斜色去夜樹有輕陰蘇武詩芳馨良夜發瀑泉聲畔月明中杜甫

詩雲門吼瀑泉王維詩泉聲咽危石古子夜歌秋夜良風起天高星月明

項斯字子遷江東人會昌四年進士授丹徒縣尉初為張籍所知楊敬之尤亟稱之

涇州聽張處士彈琴元和郡縣志後魏置涇州因水為名大業三年改為

安定郡武德元年改為涇州明一統志涇州在平涼府城東一百五十里

邊州獨夜正思鄉

南史沈懷文傳神州舊壤歷代相承異於邊州王粲詩獨夜不能寐攝衣

起撫琴謝瞻詩獨夜無物役南史沈炯傳嘗經漢武帝通天臺為表奏之陳已思鄉之意君又彈琴

在客堂

詩蟋蟀在堂歲聿其莫韓愈詩客堂喜空涼

髣髴不離燈影外

宋玉賦目

色髣髴乍若有記劉勰新論其類苟聚雖遠不離郭利正詩九陌連燈影似聞流水到瀟湘列子伯牙鼓琴志在流水鍾子期曰善哉洋洋乎若江河江總詩罕有知音者空勞流水聲曹植詩夕宿瀟湘汴陳後主詩我思屬瀟湘

杜荀鶴

題新雁

暮天新雁起汀洲

王融詩如何將暮天復值西歸日李益詩雁起前軍渡楚辭零汀洲兮杜

若紅蓼花疎水國秋

爾雅蓼蓼即蓼之生水澤者也梁元帝詩花疎有異香宋

之問賦長無
依兮水國

想得故園今夜月

江總詩故園籬下菊今日為誰開劉孝威詩今

夜月幾人相憶在江樓

古樂府上有長相憶謝靈運詩繫纜臨江樓

方干

東陽道中作

漢書地理志臨淮郡縣東陽

百花香氣傍行人

虞世南詩照水百花然王昌齡詩西宮夜靜百花香庾信賦夜風吹香氣

隨史記李斯傳行人入山林中何遜詩擾擾見行人

花底垂鞭日易曛

杜甫詩退朝花底散

李白詩薄暮垂鞭醉酒歸
庾肩吾詩林殿日先曛

野火不知寒食節

戰國策楚王遊于雲

夢野火之起也若雲蛻後漢書王符傳山林不能給野
火歲時記清明前二日謂之寒食王羲之書須臾寒食

節穿林轉壑自燒雲

隋文帝書穿林鳥亂飛慕母潛詩
際夜轉西壑岑參詩山火夜燒雲

崔塗

感花

繡軛香羈夜不歸

應瑒賦願浮軒于千里芳曜華軛乎
天衢開元天寶遺事長安俠少每至

春時結朋聯黨各置矮馬飾以錦羈金絡
並轡於花樹下往來劉楨詩極夜不知歸

少年爭惜最

紅枝

王僧達詩少年好馳俠李白
詩憶昨東園桃李紅碧枝

東風一陣黃昏雨

爾雅

東風謂之谷風楚辭東風飄兮神靈雨淮南子
日至於虞淵是曰黃昏古樂府黃昏人定後

又是繁

華夢覺時

南史王僧祐傳雅好博古善老莊不尚繁華
鮑照詩寒暑在一時繁華及春媚莊子方其

夢也不知其夢也覺而後知其夢也李白詩還有夢來時

劉長卿

東湖送朱逸人歸

唐書地理志洪州南昌縣南有東湖

山色湖光併在東

陶潛詩山色日夕佳陰鏗渡湖
詩映日動浮光詩三五在東

扁舟

歸去有樵風

史記貨殖傳范蠡乘扁舟浮於江湖庾信
賦吹落葉之扁舟陶潛詩歸去來山中會

稽記漢太尉鄭弘嘗採薪於白鶴山得一遺箭頃有人
覓弘還之問所欲弘識其神人也曰嘗患若邪溪載薪

為難願旦南風暮北風後果
然宋之問詩日暮便樵風

莫道野人無外事

劉希夷詩野人

何所有滿甕陽春酒西京雜記司馬相如為
上林子虛賦意思蕭散不復與外事相關

開田鑿井

白雲中

管子人之閒田而耕者幾何家南齊書崔祖思傳簡役敦農閒田廣稼擊壤歌鑿井而飲耕田

而食詩白雲英英張正見詩惟當遠人望知在白雲中

王建

江陵道中

菱葉參差萍葉重

劉孝威釣竿篇帆舉牽菱葉詩參差荇菜陸雲賦靈岳幽峻長林參差本

草浮萍季春始生或云楊花所生一葉經宿即生數葉梁簡文帝詩細萍重疊長

新蒲半折夜

來風

謝靈運詩新蒲含紫茸杜甫詩菱荷枯折隨風濤深簡大帝詩珠簾迎曉日金華拂夜風江村

水落平地出

虞騫詩孤嶺枕江村爾雅沃渾墮墜也注沃渾皆水落貌陳後主詩沙長見水落論

語譬如平地

溪畔漁船青草中

杜甫詩分火照漁船左傳野無青

草

朱慶餘

過耶溪

春溪繚繞出無窮

顏真卿詩春水滿長溪謝靈運賦復有水逕繚繞回員江總碑木密聯綿

香泥綠繞

兩岸桃花正好風

庾信詩寒沙兩岸白禮記仲春之月桃始華詩桃之天天灼灼

其華庾肩吾詩桃花舒玉澗陶
潛詩微雨從東來好風與之俱
恰是扁舟堪入處孟浩然詩

扁舟泛
湖海
鴛鴦飛起碧流中
詩鴛鴦于飛喬知之詩下有
碧流水元稹詩一枝橫卧碧

中

杜牧

念西遊

李白題詩水西寺

名勝志李白有別山僧涇川云何處
名僧到水西興地紀勝水西山去縣

三里下臨賞溪即涇溪也林壑深邃有南齊永平中崇
慶寺內有葛洪丹井杜甫詩題詩好細論李白遊水西

寺詩天宮水西
寺雲錦照東郭
古木回巖樓閣風
江總詩古木斷懸蘿
水經注或傾岑阻徑

或同巖絕谷爾雅
疏臺榭樓閣之異

半醒半醉遊三日

陳後主詩午醉醒來晚庾信詩酒醺

人半醉易先甲三日後甲三日
日史記高祖紀張飲三日

紅白花開山雨中

梁簡文帝詩桃

紅李白若朝粧李白詩兩人對酌
山花開張正見詩山雨濕苔碑

陸龜蒙

繡嶺宮

唐書地理志陝州峽石縣有繡嶺宮

繡嶺花殘翠倚空

王羲之東堂帖荷華想已殘唐太宗詩驚禽散翠空

碧牕瑤砌

舊行宮

杜甫詩碧牕露霜濕元稹詩階堂附瑤砌吳都賦梁岷有陟方之館行宮之基

閒乘小

駟濃陰下

左傳秦伯伐晉晉侯乘小駟鄭入也高適詩孟夏桑葉肥濃陰夾長津元稹詩寒食桐陰

下時舉金鞭半袖風

晉書山簡傳舉鞭向葛疆何如并州兒沈炯詩夾道耀金鞭晉書五

行志魏明帝著繡帽披縹緗半袖梁簡文帝詩風吹鳳皇袖

貫休

馬上行

柳岸花堤夕照紅

謝朓賦柳含色于遠岸馬周詩岸花開且落江淹賦見綠霞之夕照風

清襟袖轡璫璫

曹植詩清風飄我衣王粲賦向北風而開襟左思賦揮袖風飄陶潛賦顧襟袖

以緬邈婢雅璫玉聲玲瓏也

行人莫訝頻回首

王粲詩緬彼行人鮮克弗留唐太宗詩回

首長安道家在凝嵐一點中

盧綸詩家在夢中何日到李德裕詩餘景澹將夕凝嵐輕欲收

錢起詩孤烟
一點綠溪湄

陸龜蒙

懷錫山藥名離合

鶴伴前溪栽白杏

郎士元詩尋常適意釣前溪本草衍義白杏熟時色青白或微黃味甘淡

而不

人來洞口寫枯松

岑參詩喜見故人來庾信枯樹賦橫洞口而欹卧皇甫曾詩山

路倒枯松

蘿深境靜日欲落

儲光義詩澗淨綠蘿深孟郊詩冷然諸境靜王維詩清歌邀落

日

石上未眠聞曉鐘

杜甫詩請看石上藤蘿月孔德紹詩臨風聽曉鐘

杜牧

江

楚鄉寒食橘花時

宋之問詩晚泊投楚鄉徐陵書歸雁銜蘆多經寒食齊民要術異物志曰

橘樹白花而赤實梁簡文帝詩城風泛橘花

野渡臨風駐綵旗

李嘉祐詩綠楊垂野渡江

淹詩臨風默含情東觀漢紀段頗為并州刺史曲蓋綵旗

草色連雲人去住

江淹詩草色歛

窮水木葉變吳川潘岳賦序高閣連雲杜甫詩去住彼此無消息

水紋如縠燕參差

韓愈

詩水紋浮枕簟錢起詩縠紋江水縣前流詩燕燕于飛差池其羽陸倕賦弄差池之春燕沈約詩趙帶飛參差

許渾

守風淮陰

遙見江陰夜漁客

鮑照詩延頸望江陰水經注安子賤治單父孔子使巫馬期觀焉見夜漁

者問曰子得魚輒放何也謝朓詩良宰勗夜漁

因思江口釣魚時

張說詩舊館分江口莊子

旦旦而釣期年不得魚列仙傳陵陽子明者釣鄉人也好釣魚于延溪

一潭明月萬株柳

岑參詩先搖一潭碎古詩明月皎夜光舊唐書裴度傳于午橋創別墅花木萬株

自去自來人

不知

杜甫詩自去自來梁上燕崔顥詩若問傍人那得知

李羣玉

寄友

野水晴山雪後時

管子食野草飲野水庾信詩山晴雲倒迴梁簡文帝詩雪後桂枝殘獨

行邨落更相思

詩獨行衆衆史記聶政傳獨行仗劍至韓又所居成聚注聚謂邨落也古詩著

以長相思緣以結不解

無因一向溪頭醉

古詩還思故鄉里欲歸道無因王績詩歸來南

陌上更坐北溪頭

處處寒香映酒旗

戴叔倫詩老圃寒香別有秋張載賦擬酒旗于玄象

白居易詩紅板江橋青酒旗

唐彥謙

賀李昌時禁苑新命

振鷺翔鸞集禁闈

詩振振鷺鷺于飛後漢書蔡邕傳鴻漸盈階振鷺充庭孫綽賦觀翔鸞之

裔裔范泰詩神鸞棲高梧爰翔雲漢際後漢書周舉傳在禁闈有密靜之風應璩書入侍華幄出典禁闈

玉

堂珠樹瑩風儀

史記武帝紀泰液池南有玉堂夢溪筆談唐翰林院在禁中乃人主燕居之所

玉堂承明金鑾殿皆在其中山海經三珠樹在厭火北赤水上其樹如柏葉皆為珠唐書王勃傳初勔劇勃皆著才名故杜易簡稱三珠樹王儉文風儀與秋月齊明音徽與春雲等潤

不知新到靈和殿

張緒何如柳一枝

南史張緒傳劉俊之為益州刺史獻蜀柳數株狀若絲縷武帝植於太昌

靈和殿前常玩賞咨嗟曰此柳風流可愛似張緒當年時

張蠩

龜山寺晚望

四面湖光絕路岐

江總詩海樹一邊出雲山四面通淮南子楊朱見路岐而泣為其可以南

可以北梁簡文帝詩行異沂海依依別路岐鵲鵲飛處暮鐘時方言野鳥其小而好沒水

中者南楚謂之鵲鵲杜甫詩騎馬行春徑衣冠起暮鐘漁舟不用懸帆席顏氏家訓伍負

之托漁舟季布之入廣柳謝靈運詩揚帆採石華挂席拾海月歸去乘風插柳枝陶潛歸去

來辭歸去來兮田園將蕪胡不歸南史宗慤傳願乘長風破萬里浪古樂府上馬不執鞭反拗楊柳枝

徐寅

字昭夢莆田人登乾寧進士第授秘書省正字歸隱延壽溪著有探龍釣磯二集

初夏戲題

長養薰風拂曉吹

太公金匱六月天務覆施地務長養詩飄風自南箋迴風從長養之方入

之呂氏春秋風有八等炎風滔風熏風巨風淒風颶風厲風寒風武后詩莫待曉風吹漸開荷芰

落薔薇

陸厥詩荷芰始參差白居易詩岸落薔薇水浸莎

青蟲也學莊周夢化

作南園蛺蝶飛

爾雅翼蝶物之善化者今菜中青蟲當春時行緣屋壁或草木上以絲自固一

夕視之有圭角六七日具背罅裂蛻為蝶出矣莊子昔者莊周夢為蝴蝶栩栩然蝴蝶也俄而覺則蘧蘧然周也不知周之夢為蝴蝶與蝴蝶之夢為周與張協詩蝴蝶飛南園

李賀

南園

春水初生乳燕飛

陶潛詩春水滿四澤鮑照詩乳燕逐草蟲詩燕燕于飛差池其羽

黃

蜂小尾撲花歸

鮑照詩蜜蜂拾花萼爾雅翼蜂一日兩出其出採花取花鬚上粉置兩髀或採

無所得經宿
花中不敢歸
窻含遠色通書幌
庾肩吾詩窻含度水風
薛道衡詩高天澄遠色

梁簡文帝書特設書幌乍置筆牀
帝賦乃息書幌之勞以命北園之駕
魚擁香釣近石

磯
呂氏春秋善釣者出魚乎千仞之下餌香也
拾遺記以香金為鈎錢起詩奔流翻石磯

吉師老

爵里無考

鴛鴦

江島濛濛烟靄微

岑參詩誰念在江島何遜詩濛濛夕
烟起顏延之文展烟暮靄宋之問詩

江空潭
靄微

綠蕪深處刷毛衣

王維詩平蕪綠兮千里宋
之問詩白鷗愁暮刷毛衣渡

頭驚起一雙去

梁簡文帝烏栖曲採蓮渡頭擬黃河祖
琰詩白鷗乍驚起杜牧詩驚起鴛鴦豈

無恨一雙飛
去却回頭

飛上文君舊錦機

史記司馬相如傳臨邛卓王孫有女文君好音

相如以琴心挑之夜奔相如溫庭筠詩文君
織得春機紅梁元帝駕鴛鴦賦文連新錦之機

唐彥謙

野竹

蝶戀晚花終不去

司空曙詩戀花同野蝶何遜詩幽
蝶弄晚花李白詩白鷗閒不去 鷗

逢春水固難飛

孟浩然詩離家復水宿相伴賴沙鷗杜
甫詩舍南舍北皆春水但見羣鷗日日

來劉長卿詩月明見
潮上江靜覺鷗飛

野人心地都無著

王季友詩野人
宿在人家少李

顧詩頓令心地欲皈依劉長卿
詩羣動心有營孤雲意無著

伴蝶隨鷗亦不歸

孟浩然詩

且隨波上鷗詩式
微式微胡不歸

韋莊

稻田

綠波春浪滿平陂

曹植賦遂乃背通谷對綠波藉文茵
翳春華劉禹錫詩無奈晚來時清淮

春浪軟鄭畋詩
花實接平陂

極目連雲擺極肥

王粲賦平原遠而極
目兮蔽荆山之高岑

庾肩吾詩樓閣自連雲杜牧
詩擺極百頃田西風吹半橫

更被鷺鷥千點雪

杜甫詩
一行白

鷺上青天岑參詩閒卧對鷺鷥
李白五雲歌瑤臺雪花數千點

破烟來入畫屏飛

虞世
南詩

飛來雙白鶴奮翼速凌烟江
淹賦曲帳畫屏素女綵扇

無名氏

粉箋題詩

三月江南花滿枝

蕭憺詩三月春風已復流丘遲書暮春三月江南草長雜花生樹羣鶯亂

飛爾雅江南曰揚州劉孝威詩猶見動花枝沈約詩流鶯復滿枝

風輕簾幙燕爭飛

梁簡

大帝詩今與夕風輕劉孝威詩徒想御風輕釋名簾廉也自鄆蔽為廉恥也又幙幙絡也隋煬帝詩窺簷燕爭入梁簡文帝詩

遊人休惜夜秉燭

沈約樂府旅遊媚年春年春媚遊人魏文

帝書年益過往何可攀援古人秉燭夜遊良有以也古詩何不秉燭遊

楊柳陰濃春欲歸

古樂府暫出白門前楊柳可藏烏梁簡文帝詩葉濃知柳密庾信賦宜春苑中春已歸

杜甫

解悶

草閣柴扉星散居

說苑繩樞草舍聊庇風雨范雲詩有客款柴扉劉琨書翕爾雲合忽復星

散浪翻江黑雨飛初

駱賓王詩驚風湍浪翻謝朓詩朔風吹飛雨蕭條江上來

山禽

引子哺紅果

張正見詩夏戶響山禽易林鳥鳴呼子哺以酒脯李嶠詩樹紅山果熟

溪友

得錢留白魚

東觀漢紀趙勤從人貸錢或曰汝起拜即與勤曰拜汝得錢非義終不拜水經注聖

水有白魚出穴數日而返人有採捕食之者美珍奇味

裴夷直

晚涼

簷前蔽日多高樹

江淹詩簷前還燕拂後漢書丁鴻傳
千霄蔽日之木陸雲詩雞鳴高樹巔

竹下添池有小渠

晉書王徽之傳吳中一士大夫家有
好竹徽之欲觀之竟造竹下諷咏良

久魏收詩添池曲岸平
王勃詩平隄夾小渠

山客野僧歸去後

王維詩鳥啼
山客猶眠張

籍詩居貧多見野僧招
陶潛詩歸去來山中

晚涼移案獨臨書

駱賓王詩金
螢照晚涼張

籍詩閒對
臨書案

薛能

折楊柳

牕外齊垂旭日初

張正見詩三陽弱柳垂詩旭日始旦許景先折柳篇春樓初日照南隅柔

條垂綠樓邊輕暖好風徐

梁元帝詩楊柳非花樹依樓自覺春左思詩輕粧喜樓邊

魏文帝柳賦景風扇而增

游人莫道裁無益

沈約詠庭柳詩遊人

暖陶潛詩好風與之俱

桃李清陰却不如

詩華如桃李楊汝士

未應去為此還故鄉書不作無益害有益功乃成

詩桃李清陰在鯉庭楊憑詩江岸梅花雪不如

獨孤及

垂花塢醉後戲題

并序

莊周臺南十許步有丘一成

明一統志莊周臺在開元寺後亦名逍遙

臺唐刺史梁延嗣所築仍置祠刻像于其上廣雅
小陵曰丘爾雅丘一成爲敦丘左傳有田一成注
方十里
曰成
上有膠藤垂花名勝志逍遙臺南有膠藤
二株東西相向垂花甚盛

刺史獨孤及甚愛
之命曰垂花塢
而蔓草荒之且隔大溝路不可

陟道士張太和伐薪爲堰封土以壅澮

正韻堰壅
水也釋名

水注溝
曰澮

余亦命雉氏治蕪穢而剗宿莽

周禮秋官
司寇雉氏

掌殺
草

遂闢爲登賦之位位廣二席席間足以函尊

酒二簋

漢書藝文志登高能賦可以爲大夫易尊
酒簋二用缶納約自牖又二簋可用享

三月戊子及羣英由堰而升焉諸花倒垂下拂杯

案紫葩綺縠如釵如旒衆君子瞻弄之不足故秉

燭進酒

李白宴桃李園序古人秉燭夜遊良有以也

以繼落日欲稱醉

而不能也因命其地曰垂花塢堰曰緣花堰亦飾

之以詩云

紫蔓青條拂酒壺

杜審言詩牽風紫蔓長張翰詩青條若總翠詩清酒百壺庾信詩開君一

壺酒細酌

落花時與竹風俱

庾信賦落花與芝蓋同飛隋煬帝詩颺灑林花落劉

孝先詩竹風聲若雨

歸時自負花前醉

盧思道採蓮曲菱歌惜不唱須

待暝歸時後漢書梁竦傳自負其才薛道衡詩思發在花前

笑向儵魚問樂無

山海經

湖之水中多鱖魚食之可以忘憂莊子莊子與惠子遊于濠梁之上莊子曰鱖魚出游從容是魚樂也惠子曰子非魚安知魚之樂莊子曰子非我安知我不知魚之樂

顧況

宮詞

禁柳烟中聞曉烏

南史張緒傳劉俊之為益州獻蜀柳數株武帝以植于靈和殿前李白詩

綠柳結烟垂泉風吳均詩千門萬戶不知曙風吹玉漏

盡銅壺

梁昭明太子詩靡靡祥風吹宗楚客詩玉漏與年長崔液詩玉漏銀壺且莫催獨斷夜漏盡鼓

鳴則起畫漏盡鐘鳴則息

內官先向蓬萊殿

國語內官不過九御魏志后妃傳序漢志內官

十有四等雅錄大明宮舍元殿北為宣政宣政之北為紫宸其北為蓬萊殿金合開香瀉御

爐吳均詩博山爐中百和香李廣賦傳金爐之御烟

韓愈

蒲萄

新莖未偏半猶枯潘岳賦初莖蔚其曜新抱朴子一條之枯無損繁林之翦藹高架

支離倒復扶齊民要術蒲萄蔓延性緣不能自舉作架以承之葉密陰厚可以避熱左思賦朱栢

森布而支離曹若欲滿盤堆馬乳北齊書李元忠傳元忠貞世宗蒲萄一盤

世宗報以百縑蜀本圖經本草蒲莫辭添竹引龍鬚南史

蒲子紫白二色又有似馬乳者

徐伯珍傳九巖山後漢龍丘萇隱處也
山多龍鬚桺柏望之五采伯珍移居之

張祜

櫻桃

石榴未拆梅猶小

曹植詩石榴植前庭綠葉搖縹青夏侯湛賦覽華園之嘉樹芳羨石榴之

奇生王維詩夕雨紅榴拆

愛此山花四五株

韋應物詩清晨止亭下獨愛此幽篁徐陵詩山

花臨舞席庾信詩山花焰火然齊書祥瑞志永明八年巴陵郡樹連理四株江總賦垂楊五株

斜日庭

前風裊裊

梁簡文帝詩斜日晚駸駸范雲詩乃鑒長林曲有浚廣庭前徐伯陽詩圓籠裊裊挂青絲

碧油千片漏紅珠

元稹詩窻紙碧油糊白居易詩千片赤英霞爛爛又櫻桃子綴小紅珠

李商隱

雞

稻梁猶足活諸雛

詩黍稷稻梁杜甫詩君看隨楊雁各有稻梁謀方言爵子及雞雛皆謂之

驚

妬敵專場好自娛

劉孝威鬪雞篇丹雞翠翼張妬敵得專場應瑒鬪雞詩專場驅衆敵

剛捷逸等羣潘岳賦且遊釣以自娛

可要五更驚曉夢

漢官儀夜漏起中黃門持五更甲夜

畢傳乙乙夜畢傳丙丙夜畢傳丁丁夜畢傳戊戊夜畢是為五更梁簡文帝文法雷驚夢慧日暉朝

不辭

風雪為陽烏

古詩前日風雪中故人從此去春秋元命苞日中有三足烏者陽精也春秋說題辭

雞為積陽南方之象火陽精日炎上故陽出雞鳴以類感也注離為日積陽之象也日將出預喜於類見而鳴

也梁簡文帝詩迴扇避陽鳥庾肩吾詩陽鳥一展翅千里定非虛

薛濤

字洪度長安良家女隨父宦流落蜀中遂入樂籍辨慧工詩有林下風致韋臯鎮蜀召令

侍酒賦詩稱為女校書出入幕府暮年屏居浣花溪著女冠服好製松花小箋時號薛濤箋

酬雍才貽巴峽圖

一統志四川重慶府巴縣周巴子國秦置巴郡與地志巴

陵楚地有三峽水經注漁者歌曰巴東三峽巫峽長

千疊雲峯萬頃湖

杜甫詩雲山千萬疊鮑照詩霖旦見雲峯岑參詩澄湖萬頃深見底水經

注江之左岸溪水伏流內通南浦故縣陂湖其地平曠有湖澤中有菱芡鰕雁不異外江凡此等物皆入峽所

無白波分去繞荆吳

莊子白波若山水經注白波奮流自成潭渚漢書諸侯王表東帶江

湖薄會稽
為荆吳

感君識我枕流意

張籍詩感君網繆意世說
孫子荆語王武子當枕石

漱流誤曰漱石枕流王曰流可枕石可漱乎孫
曰所以枕流欲洗其耳所以漱石欲礪其齒

重示瞿

塘峡口圖

水經注峽中有瞿塘黃龍二峽夏水迴復沿
沂所忌窠宇記瞿塘在夔州東一里連崖千

丈奔流電激舟
人為之恐懼

楊巨源

灞岸柳

水經注灞水左合滻水歷白鹿原東即
灞川之西故芷陽矣三輔黃圖灞水出

藍田谷西北入渭又霸橋在長安
東漢人送客至此橋折柳贈別

楊柳含烟灞岸春

詩楊柳依依梁武帝詩君如東扶景
妾似西柳烟梁元帝賦登樓一望惟

見遠樹含烟

年年攀折為行人

江總詩無奈年年別古詩攀折其榮樂府都護三年不

歸折盡江邊楊柳江淹詩行人咸息駕何遜詩寂寂行人疎

好風儻借低枝便

陶潛詩微

雨從東來好風與之俱北山移文乍低枝而掃迹

莫遣青絲掃路塵

王褒詩岸柳被青絲

潘岳賦甸師清畿野廬掃路唐太宗詩舞接花間燕歌迎鳥路塵

城東早春

詩家清景在新春

杜甫詩吾人詩家秀博采世上名李白詩清景南樓夜風流在武昌王褒

詩細柳綠柳纔黃半未勻

孫綽詩縹片映流綠柳陰坂發新春謝靈運詩原隰萋綠柳墟園

散紅桃張說詩拂黃先變柳

若待上林花似錦

漢書東方朔傳上使吾丘壽王舉籍阿城

以南盤屋以東宜春以西欲除以為上
林苑屬之南山李與詩春至花如錦
出門俱是看花

人易出門交有功江迫詩出門誰氏子
何遜詩對影獨含笑看花時轉側

鮑溶

漢宮詞

月映東牕似玉輪

謝靈運詩亭亭曉月映陶潛詩有酒有酒閒飲東牕駱賓王詩玉輪涵地

開劍匣連星起

未央前殿絕聲塵

雍錄翼奉曰孝文時未央宮無高門麒麟之殿獨有前殿

曲臺漸臺溫室承明耳梁簡文帝詩喧塵是時息曹植七啟飛聲激塵

宮槐花落西風起

爾雅守宮槐葉晝聶宵炕庚肩吾詩井梧生未合宮槐卷復稀宋子侯詩纖手折其枝花落何飄颻梁元帝纂

要西風
鸚鵡驚寒夜喚人
禮記鸚鵡能言不離飛鳥王勃序雁陣驚寒

施肩吾

字希聖洪州人元和十年登第隱洪州之西山為詩奇麗

春日食霞閣

灑水初晴物候新

陸機演連珠臣聞因雲灑潤則芬澤易流潘岳賦微雨新晴六合清明楊

炯序平看日月唐都之物候可知

食霞閣上最宜春

列仙傳贊子輿拔俗食霞飲露顏延

之詩中散不偶世本自食霞人荆楚歲時記立春日剪綵為燕戴之貼宜春字傳咸賦著宜春之嘉祉

山

花四面風吹入

徐陵詩山花臨舞席水影照歌牀謝朓詩四面動清風詩籜芳籜芳風其吹女

庾信詩落花何假拂風吹會併來

為我鋪牀作錦茵

朱超詩葉濕鋪牀冷開元天寶遺事

學士許慎宴花園未嘗具帷設坐使童僕聚落花鋪坐
下曰吾自有花茵杜甫詩後來鞍馬何遑巡當軒下馬

入錦

茵

雍陶

春詠

風惱花枝不耐頻

梁簡文帝詩風散花兮傳馨香劉孝威詩隔牆花半隱猶見動花枝謝朓

詩花枝
聚如雪

等閒飛落易愁人

張謂詩心中萬事如等閒李孝貞詩羞見落花飛梁簡文

帝賦裁紅點
翠愁人心

殷勤最是章臺柳

徐陵詩此日乍殷勤漢書張敞走馬章臺街事

文類聚張敞走馬街有
柳唐時謂之章臺柳

一樹千條管帶春

賀知章詠柳
詩碧玉裝成

一樹高萬條垂下綠絲絲沈
佳期詩楊柳千條花欲綻

李羣玉

書院二小松

一雙幽色出凡塵

杜甫詠松詩幽色幸秀拔孔稚圭北山移文耿介絕俗之標蕭灑出塵之

想

數粒秋烟二尺鱗

李賀五粒小松歌虵子虵孫鱗蜿蜒新香幾粒洪崖飯盧照隣詩長

薄秋

從此靜牕聞細韻

韓翃詩綺牕夜閉玉堂靜陸機演連珠赴曲之音洪細入韻

琴聲長伴讀書人

劉孝綽詩好聽雅琴聲庾信詩琴聲徧屋裡白居易詩共琴為老伴劉禹

錫詩却為精舍讀書人

胡釘鉸

雲溪友議鄭曲有胡生者家貧落魄為釘鉸之業但遇甘果茶醢輒祭列禦寇以求

聰悟歷稔忽夢一人劃開其腹將書一副置之覺而吟詠綺美不由師授

小兒垂釣

蓬頭稚子學垂綸

庾信賦蓬頭王霸之子陶潛歸去來辭稚子候門庾信詩垂綸在渭川

倒坐莓苔草映身

杜甫詩隨意坐莓苔孫綽賦踐莓苔之滑石

路人借問遙

招手

蘇武詩誰為行路人古雅歌謠辭借問行人歸不歸詩招招舟子箋以手曰招王季友詩再三招手

起來
遲
恐畏魚驚不應人

虞世南詩恐畏無人識何遜詩水淺見魚驚漢書齊武王續傳

伯升笑而不應韓愈詩問我我不應

孫魴

字伯魚南昌人從鄭谷為詩頗得鄭體
事吳為宗正郎與沈彬李建勳友善

楊柳枝詞

靈和風暖太昌春

南史張緒傳劉俊為益州獻蜀柳數
株枝條甚長狀若絲縷武帝以植于

太昌靈和殿前曰此楊柳風流可愛
似張緒當年時鮑照詩風暖凌開

舞線搖絲向昔人

范雲詩春風柳線長王褒詩岸柳被青
絲王羲之蘭亭序每覽昔人興感之由

何似曉來江雨

後

世說白雪紛紛何所似宋之問詩
江雨入庭飛王維詩空山新雨後

一行如畫隔遙津

錢起詩憐君綴一行
李白詩江城如畫裏

郎士元

贈強山人

或棹輕舟或杖藜

陶潛歸去來辭或命巾車或棹孤舟戰國策乘夏水浮輕舟史記留侯世

家注黃石公鬚眉皆白杖丹藜履赤舄

尋常適意釣前溪

晉書文士張翰傳人生貴適意

爾傳休奕賦和神適意李白詩閒垂一

草堂竹邇在何

處

北山移文鍾山之英草堂之靈梁昭明太子啟追涼竹邇徐陵詩竹邇蒙龍巧

落日孤烟寒

渚西

謝靈運賦望新晴于落日范雲詩天末孤烟起鮑照賦立菰蒲之寒渚謝朓詩寒渚夜蒼蒼

陳羽

過櫟陽山谿

名勝志臨潼縣櫟陽舊城在縣北五十里

衆草穿沙芳色齊

陶潛詩青松在東園衆草沒其姿杜甫詩映竹水穿沙儲先義詩碧雲暗

雨來舊原芳色變楊凝詩暄風草色齊

踏莎行草過春溪

漢書司馬相如傳薜莎青蘋注

莎即今青莎草顏真卿詩春水滿長溪

閒雲相引上山去

李白詩心與浮雲閒江總詩山

雲四面通張說頌千旗雲引何遜詩家本青山下好上青山上

人到山頭雲却低

晉樂府相

待三山頭庾信詩雲陰歛向低

王建

野池

野池水滿連秋隄

杜甫詩野池蓮欲紅陶潛詩春水滿四澤唐書地理志江州潯陽東有秋

菱花結實蒲葉齊司馬相如賦外發芙蓉菱花曹植

之所濡甘苦齊結實石貫賦杏花毓川口雨晴風復止

王維詩前臨大川口密達來長風湓岳賦微雨蜻蜒上

下魚東西杜甫詩無數蜻蜒齊上下

鮑溶

答客

竹間深路馬驚嘶陳書馬樞傳乃於竹林間自營茅茨而居劉春虛詩深路入古寺左傳慶

氏之馬善驚李嶠獨入蓬門半似迷徐陵文爭造蓬門

詩征馬路傍嘶顏延之詩窘步懼

先勞問圃人終歲事

唐書百官志通事舍人掌承令勞問謝靈運賦詔微臣以勞問論語

請學為圃管子農夫終歲之作不足以自食也魏志司馬芝傳夫農氏之事田自正月耕種芸鋤除桑耕爨種麥刈穫築場十月乃畢以是終歲無日不為農事也桔槔聲裡雨春畦莊子子獨不見夫桔槔者乎引之則俯舍之則仰彼人之所引非引人也王維詩林端舉桔槔吳融詩疊猿聲裡獨之官鮑照詩春畦及耘藝鄭谷詩披雨剪春畦

方干

題畫建溪圖

一統志建寧府城東有東溪一名建溪流至府城西南與西溪合經

延平抵福州入海

六幅輕綃畫建溪

杜荀鶴詩唯將六幅絹寫得九華山漢書元帝紀罷齊三服官注李斐曰

齊三服官獻輕綃為夏服師古曰輕綃今之輕縠也刺桐花下路高低

爾雅異刺桐出泉州

花先葉後則五穀熟李郢詩刺桐花下莫淹畱楊仇賦屈曲溝畎高低稻畦分明記得經行

處

杜甫詩常時任顯晦秋至最分明劉商曲山川路長誰記得劉禹錫詩一路徑行處莓苔見履痕祇

欠猿聲與鳥啼

梁元帝詩寒夜猿聲徹劉禹錫詩莫怕猿聲發建溪庾信詩春山百鳥啼

徐彥伯

從宴桃花園

源水叢花無數開

陶潛桃花源記林盡水源便得一山丘遲詩叢花未隱雀江總詩叢花霽

後發沈約詩
開花已匝樹

丹跗紅萼間青梅

廣韻草木房為柎釋文
柎亦作跗謝靈運詩山

桃發紅萼鮑照白紵
曲含桃紅萼蘭紫芽

從今結子三千歲

漢武內傳七月
七日王母來上

殿以盤盛桃七枚帝食之甘
美母曰此桃三千年一結實

預喜仙遊復摘來

宋之問
詩仙遊

哉實壯

劉商

題潘師房

渡水傍山尋絕壁

庾信賦託蘆中而渡水南史謝靈運
傳靈運始寧縣有故宅及墅傍山帶

江盡幽居之美謝靈
運詩晨策尋絕壁

白雲飛處洞門開

莊子乘彼白雲
至于帝鄉宋之

問詩離筵數處白雲飛左仙人來往行無跡神仙傳廣

思賦高閣有閑洞門方軌成子者古之仙人居崦峒山石室中劉希夷詩仙人不可

見江淹詩往來盡仙靈梁宣帝賦石徑春無行跡

賦綠苔生閣劉希夷詩幽徑委綠苔

賦綠苔生閣劉希夷詩幽徑委綠苔

合谿水漲寄敬山人

合谿未詳

共愛碧溪臨水住杜甫詩碧溪搖艇濶楚相思來往踐

莓苔古詩著以長相思司馬相如賦若此者數而今却

欲嫌溪水李白詩簷雨漲春流隔往來孟浩然詩桃花

飛宛溪水春水漲謝靈運

賦忘溫泉于春
流詩莫往莫來

李約
字存博沂公勉之子自稱蕭齋官兵部員外郎

江南春

池塘春暖水紋開

南史謝惠連傳惠連能屬文族兄靈運夢見惠連便得池塘生春草之句

庾丹詩風至水迴文

堤柳垂絲間野梅

江總詩蟬噪金堤柳王褒詩岸柳被青絲杜甫詩皂

蓋能忘折野梅

江上年年芳意早

吳均詩風起秋江上王勃詩年年歲歲一牀書李端詩山

水含芳意蓬瀛春色逐潮來

史記秦始皇紀徐市言海中有神山名曰蓬萊方丈瀛洲仙人

居之拾遺記昆臺之山有垂白之叟歷蓬瀛而超碧海謝朓詩春色滿皇州梁簡文帝詩春色映宮來王維詩

潮來天
地青

張祜

題勝上人山房

清畫房廊山半開

王維詩清畫猶未暄梁宣帝賦繞房廊而郁毓梁簡文帝詩長嶼橫山半

一瓶新汲灑莓苔

廣韻瓶汲水器易井漂不食為我心惻可用汲王明並受其福詩子有庭

內弗灑弗掃杜甫詩興移無灑掃隨意坐莓苔

古松百尺始生葉

李白詩貞心比古松梁簡

文帝表高蔭百尺藉雲崖之遠江總山亭銘高桐百尺梁書稽翔傳為義興守郡西亭古樹枯忽更生枝葉善

政所感也颯颯風聲天上來

文心雕龍春日遲遲秋風颯颯晉書謝幼度傳風聲鶴唳易風

行天上易林太乙
駕騶從天上來

儲嗣宗

大中十三年
登進士第

山泉

嗣宗本集和茅山高拾遺
憶山中雜題五首之一

香味清機仙府回

杜甫詩飯糲添香味詩泉流既清說
文主發謂之機高適歌仙宮仙府有

真紫紆亂石便流杯

史通觀太史公之創表也列行紫
紆以相屬班固賦步角道以紫紆

入蜀記黃牛廟山下亂石塞中流望之可畏荆楚歲時
記三月三日士民並出江渚池沼間為流杯曲水之飲

庾信賦樹下流杯
客沙頭渡水人

春風莫泛桃花去

梁武帝樂府一葉
度春風芳華自相

接江淹詩輕風泛凌霞王臺卿詩
濕花隨水泛費昶詩水逐桃花去

恐引凡人入洞來

名勝

志林屋洞不知何人題曰隔
凡字勢飛逸疑非人間書也

周朴

字太朴吳興人避地福州寄食烏石
山僧寺黃巢寇閩欲降之朴不從

桃花

桃花春色暖先開

禮記仲春之月桃始華開人倩詩春
色定無窮杜甫詩花暖蜜蜂喧韓愈

詩辛夷高
花最先開
明媚誰人不看來

鮑照賦爍形輝之明媚崔
浪詩誰家見月能閒坐何

處閒燈
不看來

可惜狂風吹落後

韓愈詩景趣不遠真可惜杜
甫詩霹靂颺颺兼狂風謝靈

運賦林來
風而飄落
殷紅片片點莓苔

左傳左輪朱殷廣韻殷赤
黑色韓愈詩片片勻如剪

江淹賦園
桃紅點

王逢原

送春

三月殘花落更開

丘遲書暮春三月江南草長雜花生樹羣鶯亂飛盧照隣詩殘花落古樹

杜甫詩殘花悵望近人開

小簷日日燕飛來

隋煬帝詩窺簷燕爭入杜甫詩江草日日喚愁

生詩燕于飛

子規夜半猶啼血不信東風喚不回

禽經江左曰子規蜀

右曰杜宇一名杜鵑杜甫詩兩邊山木合終日子規啼淮南子雞知將旦鵲知夜半孟郊詩古樹春無花子規

啼有血體記東風解凍

御選唐詩卷三十二

欽定四庫全書

御選唐詩卷三十二補編

賀知章

咏柳

碧玉妝成一樹高

古樂府碧玉小家女芍藥譜寶妝成
髻子也漢書藝選傳令民日種一樹

榆陳子昂詩

萬條垂下綠絲條

謝朓詩爛漫已萬條庾
信詩別有長條踈地垂

明月隱高樹

許景先折柳篇柔條垂綠掃金鋪李
白詩踈楊挂綠絲廣韻條編絲繩也

不知細葉誰裁出

張正見柳詩葉細臨湍合
上官昭容詩密葉因裁吐

二月春風似剪刀

蕭憺賦二
月春風已

復流宋之問詩今年
春色早應為剪刀催

王昌齡

別辛漸

別館蕭條風雨寒

晉書戴逵傳吳國內史王珣別館在武丘山鮑照賦臨驚風之蕭條詩風

雨淒淒墨子聖王為宮室高
足以辟潤濕邊足以圉風寒
扁舟月色渡江看

史記貨殖傳范

蠡乘扁舟浮於江湖魏收詩
睿賞芳月色王獻之桃葉辭
渡江不用楫

酒酣不識關西道

史記漢高祖紀酒酣高祖擊筑自為歌詩魏文帝書酒酣耳熱江總詩野花不識采後漢書楊震傳關西孔子

楊伯起

却望春江雲尚殘

梁元帝詩却望若飛烟李嶠詩霞滿蜀江春信淵碑文音徽與

春雲等潤駱賓王詩霞
殘疑製錦雲度似飄纓

韋應物

寒食寄京師諸弟

荆楚歲時記去冬節一百五日即有疾風甚雨謂之寒食

雨中禁火空齋冷

梁簡文帝詩帝京風雨中周禮司烜氏仲春以木鐸脩火禁於國中為季

春將出火也徐陵詩竹密山齋冷

江上流鶯獨坐聽

謝朓詩江上徒離憂沈約八詠舞春

雪雜流鶯王維詩獨坐幽篁裏李白詩還過荳若聽新鶯

把酒看花想諸弟

杜甫詩把酒從

衣濕宋之問詩源水看花入杜甫詩海內風塵諸弟隔

茂陵寒食草青青

漢書武帝紀建

元二年初置茂陵邑又地理志右扶風縣茂陵徐陵書歸鴈銜蘆多經寒食古詩青青河畔草

岑參

赴北庭度隴思家

西向輪臺萬里餘

唐書地理志北庭大都護府有輪臺縣大歷六年置郭璞江賦呼吸萬里

吐納靈潮古詩相去萬餘里各在天一涯

也知鄉信日應疎

沈約白銅鞮歌若欲寄音信漢

水向東流梁元帝春別應令別後書信不相闕

隴西鸚鵡能言語

庾肩吾詩借問隴西行何

當驅馬征禮記鸚鵡能言不離飛鳥禽經鸚鵡摩背而瘡注鸚鵡出隴西能言人以手撫拭其背則瘡矣

報家人數寄書

詩宜其家人庾信賦玉闕寄書糝臺留釧

劉方平

夜月

更深月色半人家

杜甫詩流汗卧江亭更深氣如縷又中天月色好誰看李白詩五峯轉月

色王維詩桃花源裡人家

北斗闌干南斗斜

詩惟北有斗不可以挹酒漿星經北斗星謂之

七政樂府古辭攬衣瞻夜北斗闌干注闌干猶縱橫也張衡周天大象賦泊南斗而牽牛楊炯詩敞朗東方徹闌干北斗斜杜甫

今夜偏知春氣暖

庾信詩今夜長安月應如晝日明春

秋繁露春氣受秋氣嚴阮籍詩春氣感我心宋之問詩春暖陰梅花雕龍一葉且或迎意蟲聲有足引心人物志采蟲聲之善音李嶠詩雲牕網碧紗

蟲聲新透綠牕紗

文心

顧況

安仁港口望仙人城

名勝志饒州府安仁縣興業水一名安仁港發源貴

溪縣漏石村又仙人城在安仁縣東南二百里峭壁危石亭亭千仞

樓臺采翠遠分明

陰鏗詩雲裏望樓臺孟浩然詩停午收采翠夕陽照分明杜甫詩秋至最

明聞說仙家在此城

十洲記生洲有仙家數萬王勃詩鶴岑有奇徑麟洲富仙家

上仙城無路上

李白詩相隨迢迢訪仙城三十六曲相迴縈屈原九章願陳志而無路

邊花裏有人聲

范雲詩盈盈一水邊王融詩花裏寄春情莊子木聲與人聲聒然有當於人之心

戎昱

早梅

一樹寒梅白玉條

蘇武詩中庭一樹梅寒葉未曾開
中芳詩霞觀文屏簞香林碧玉條

迴臨村路傍溪橋

暢當鸛鵲樓詩迴臨飛鳥上高謝世
間人陰鏗詩村路入江窮岑參詩瓜

田傍綠溪應緣近水花先發

管子高毋近岸而水用足下毋
近水而溝防省庾肩吾詩石鏡

菱花發劉孝威詩葉舒
非漸大花發是初開

疑是經春雪未消

杜審言大酺
詩梅花落處

疑殘雪柳葉開時任好風
詩雨雪飄飄見睨曰消

旅次寄湖南張郎中

寒江近戶漫流聲

杜甫詩寒江動夜扉詩蟋蟀疏此言
在堂謂在室戶之外與戶相近是九

月可知竹影臨牕亂月明

庾信山銘壁繞藤苗牕銜竹影又詩還是臨牕月子夜歌天高

星月歸夢不知湖水濶

謝朓詩歸夢相思夕岑參詩歸夢秋能作賈至詩莫道巴陵湖

水濶長沙南畔更蕭條

夜來還到洛陽城

陳後主詩金鞍排夜來庾信詩諸花舊滿洛陽

盧綸

曲江春望

泉聲偏野入芳洲

湘中記縣泉滴漚巖間聲冷冷如絃音宋之問詩泉聲聒翠微張正見詩

分渠通沃野楚辭采芳洲兮擁沫吹花上碧流

沈君攸詩山流杜若庾肩吾詩列坐對芳洲

細沫擁浮花，薛道衡詩：「濺沫擁沙洲。」蕭慤
詩：「吹花春滿路。」喬知之詩：「下有碧流水。」落日行人漸

無路

鮑照詩：「落日川渚寒。」蘇武詩：「誰為行路人。」屈原九
章：「願陳志而無路。」庾信碑：「銘白馬無路。」烏江不通

巢蜂乳燕滿高樓

鮑照樂府：「乳燕逐草蟲，巢蜂拾花萼。」禮記：「月令注：燕以施生時來巢人堂。」

宇而乎乳娶嫁之象也。張
協賦：「高樓特起，竦峙宮堯。」

楊凝

送客入蜀

劍閣迢迢夢想間

張載劍閣銘：「惟蜀之門，作固作鎮。」是
曰劍閣，壁立千仞，一統志：「劍閣在四」

川保寧府劍州北三十里。蕭統詩：「行客行
路遙，故鄉日迢迢。」蕭子雲詩：「夢想日依依。」行人歸路遠

梁山

陰鏗詩行人引去節陶潛詩行行循歸路張載劍閣銘巖巖梁山積石峩峩一統志大劍山一名梁

山在劍州北二十里

明朝騎馬搖鞭去

徐陵詩明朝闕門外韋應物詩此時騎馬出廣韻鞭

馬策秋雨槐花子午關

宋之問詩況復秋雨霽張正見詩槐花夾岸飛三秦記長安正南山

名秦嶺谷名子午郡縣志子午關在京兆府長安縣南百里

李涉

潤州聽暮角

唐書地理志潤州丹陽郡武德三年置取潤浦為州名

江城吹角水茫茫

李白詩江城如畫裏杜甫詩鼓角緣邊郡又永夜角聲悲自語又春動水

茫曲引邊聲怨思長

晉書劉波傳笳而吹之為出塞入寒之曲白居易詩唳鶴曲終長

引聲李陵書邊聲四起張繼詩那知橫吹驚起暮天沙
笛江外作邊聲劉滄詩子建東歸恨思長

上鴈

庾肩吾詩驚鴈避虛弓李紳詩竹影侵雲拂暮天謝朓賦星迴窮紀沙雁相飛海門斜去

兩三行

舊唐書韓泚傳造樓船戰艦三十餘艘以舟師五千人由海門揚威武至申浦而還鎮江府誌

勝焦山東北有二島對峙謂之海門庾信詩可憐數行雁點點遠空排王績詩偃蹇二五行

李商隱

代秘書贈弘文館諸校書

唐書百官志武德四年置修文館于門下

省九年改曰弘文館又選舉志唐太宗置弘文館增學舍至千二百區

清切曹司近玉除

夢溪筆談舊翰林學士地勢清切皆不無他務唐書鄭虔傳不知廣文曹

司何在白居易詩空留風月在曹
司鮑照白苧歌垂璫散佩盈玉除
比來秋興復何如

潘岳

秋興賦序于時秋也故以秋興命篇杜甫
詩集有秋興八首禮記今日安否何如

崇文館裏丹

霜後

按崇文本作弘文謝靈運詩曉霜楓葉丹

無限紅梨憶校書

漢武帝詩連山去無

限杜甫詩紅梨迴得霜又山梨結小紅漢書劉向傳詔
向領校中五經秘書唐書魏徵奏引諸儒校集秘書國

家圖籍聚

然完整

御選唐詩卷三十二補編